

Stimá credënc!

„Ci aste pa, che te n’esses nia ciafé“ (1Cor 4,7) Chèstes parores de San Paul é ince atuales por nos porsones d’aldedaincö; gonot minuse nos da messèi fá döt da susc y da sores. Mo en realté savunse: al é l’amur de Chël Bel Dì che nes dá vita y fej che i nes sintiunse da ciasa tla fede! Chèsta esperiënza fajunse canche i ti afidun pro le bato nüsc mituns al Signur, canche i aldiun tla liturgia la Parora de Dì, canche i se presentun cun mans ötes dan dala scincunda preziosa dl’Eucaristia, olache Gejú Crist se mët cun so corp te nostes mans.

Insciö sciöche i viun nosta vita da porsones cristianes, respognunse al amur de Dì, che nes recolmèia de grazies. I testimoniun che i tocun, sciöche batiá, pro Chël Bel Dì, che i ciarun da ti jí do a Gejú y te so Spirit porvunse da porté de bogn früc – tl matrimone y te familia, te scora, söl laur y tl tēmp lēde.

Sciöche dlijia savunse che i adorun por chësc les vocaziuns religioses. Chèstes é porsones sciöche nos che dedichèia súa vita a Gejú Crist y cun so sorvisc sacramental ala dlijia, renforzeres la cherdada de nos duc.

Porchël ves invièi da formé te nosta diozeja na “rèi de oraziun” por nostes families y por vocaziuns religioses.

Singoles iniziatives y deplü grups te nosta diozeja á bele da agn metü man. Sëgn s’augurunse che chësta rèi se desleries fora te dotes les ploanies: portata dales families, dales comunités di convēnc, dales uniuns de dlijia y dai movimēnc. Insciö dijunse: Ei, nos orun y i adorun proi y porsones consacrades,

mo i ne podun nia i “fá” instēsc. Gejú Crist i chërda y i scinca a súa dlijia!

Na te oraziun é sciöche n terac fertil, olache porsones jones pó sintí: Le Signur m’adora! Ad èl oi ti orèi bun! Te mia liberté diji de SCE da fá n sorvisc te súa dlijia!

Sce **porsones forma na rèi de oraziun tles families**, spo pores sintí che Gejú Crist è ester so zēnter – al ti stá dlungia cun so spirit – al santifichèia i raporc, sce i ti un crēta y baiun vigni de cun Èl - Èl é nosta plü gran fortuna!

Cun la rèi d’oraziun oressi fá coraje por na vita cristiana scēmpla y por renforzé la crēta

- che l’Signur nes chërdes duc ala vita y ala fede por costruí pro na dlijia via (bato, crejima, comuniun, matrimone y familia),
- che le Signur chërdes èi y ères a na vita consacrada – sciöche proi y diacons, ères y èi te n ordin y comunité de convēnt.

Porchël prèii les families, mituns y adulc, jogn y porsones atēmpades tla diozeja da intrecé deboriada **na rèi d’oraziun cun fá chisc trèi vari y perié:**

- **n iade al de na oraziun fundamentala,**
- **n iade al’edema na oraziun por les intenziuns de nostes families,**
- **n iade al mēis na oraziun por vocaziuns religioses.**

Duc chi che se scrí ite ala „rèi d’oraziun“ vëgn inviá n iade al ann a na “festa dles vocaziuns”; al ti vëgn ince – sc’al é debojēgn – mené d’atres propostes d’oraziun.

Tla ligrēza de nosta vocaziun da ester deboriada cristianes y cristians ves salüdi

Ivo Muser, Vëscö



STIMÁ CREDËNCI

N iade al de

PERIUNSE DEBORIADA NA ORAZIUN FONDAMENTALA, p.ej.

La oraziun dl signur (le Paternoster) –

te chëra ch’i tolun ite nostes situaziuns de vita y nostes meseries y portun döt dan da ldi co fistidièia por nos con l’amur de pere y uma

Nosc Pere sò al cil,
al sides santifiché to inom,
al vëgnes to règn,
túa orenté sides fata,
sciöche sò al cil insciö söla tera.

Dasse incö nosc pan da vignidé,
pordona a nos nüsc piciá,
sciöche nos i pordenun a chi che s’á ofenü,
y no se mené tla tentaziun,
mo delibrèiesse dal mal.
To é le règn, túa é la potēza y la gloria por dagnora. Amen

Le sëgn dla crusc

Tl inom dl Pere
y dl Fi
y dl Spirit Sant. Amen.

L’apric de lalt

Gloria al Pere y al Fi y al Spirit Sant
sciöch’al é sté, sciöch’al é y sará por dōta l’eternité. Amen.

Credo apostolich

I crèii te Dì, Pere onipotēt, creatur dl cil y dla tera,
y te Gejú Crist, so Fi su, nosc Signur,
che é nasciü tres le Spirit Sant dala vergina Maria,
á patí sot a Pontio Pilato,
é gnü metü söla crusc, é mort y é gnü sopolí;
al é rové tl règn di morc y le terzo de él ressorí;
al é jü sò al cil, olach’al stá a man dërta de Dì, Pere onipotēt,
y da dailó gnarál a iudiché i vis y i morc.
I crèii tl Spirit Sant, la santa Dlijia catolica, la comuniun di sanc,
le pordonn di piciá, la ressureziun dl corp y la vita eterna.
Amen.

L’ave maria

Ave Maria, plëna de grazia, le Signur é cun te,
tò es benedida danter les ères
y benedí é le früt de to gremö, Gejú.
Santa Maria, uma de Dì,
prèia por nos piciadus,
sëgn y tl’ora de nosta mort. Amen.

Les ainmaries - *é na forma de oraziun vedla dla dlijia. Trèi iadi al de sona les ciampanes, da doman, da misdé y da sëra, por nes invié a s’archité por perié. Al è bëgn òna dles plü beles oraziuns vocazionali de nos cristians.*

L: L’agno dl Signur á anunzié a Maria,
D: y èra á concepí por opra dl Spirit Sant.

Ave Maria, plëna de grazia, le Signur é cun te, tò es benedida danter les ères y benedí é le früt de to gremö, Gejú.

Santa Maria, uma de Dì, præia por nos piciadus, sëgn y tl’ora de nosta mort. Amen.

L: Maria á dit: „I sun la fancela dl Signur:

D: al sozedes cun me sciöche t’as dit.“ Ave Maria plëna de grazia ...

L: Y la Parora de Dì s’á incarné

D: y á abité danter nos. Ave Maria ...

L: Prèia por nos, santa Uma de Dì,

D: ch’i gnunse dëgn de ci che Gejú Crist nes á impormetü.

L: Periun!

Dì onipotēt, jüta ite túa grazia te nüsc cōrs. Cun l’anunziaziun dl agno unse conesciü l’incarnaziun de Gejú Crist, to Fi. Fá ch’i gnunse dëgn, por i miric de súa pasciun y mort, de rové ala gloria dla ressureziun.

Por Gejú Crist, nosc Signur. Amen.

La corona *é te nüsc tēmps da prescia y büsia na oraziun biblica meditativa che se porta ala calma. Cun Maria conscidrunse la vita de Gejú. An pó ince ma scomencé cun n toch p.e. n mistere.*

Introduziun:

- Sëgn dla crusc

- Credo

- Paternoster

- 3 Ave Maria y Gloria al Pere

5 stligüc dla corona cun

- dí l’mistere

- n Paternoster

- 10 Ave Maria

- na Gloria al Pere

Misteri de ligrēza

Pröm mister: Maria vëgn saludada dal angel (Lc 1,26-38)

Secunt mister: Maria vá a ciafé Elisabeta (Lc 1,39-56)

Terz mister: Gejú nasc a Betlehem (Lc 2,1-20)

Cuart mister: Gejú vëgn presenté tl tēmpl (Lc 2,22-24)

Cuint mister: Gejú vëgn chirí y ciafé tl tēmpl (Lc 2,41-52)

Misteri dla löm

Pröm mister: Gejú se lascia batié da Jan tl Iordan (Lc 3,21-22)

Secunt mister: Gejú se manifestèia pro la noza de Cana (Jan 2,1-12)

Terz mister: Gejú incünda le règn de Dì (Mt 9,35)

Cuart mister: Gejú vëgn trasfiguré söla munt de Tabor (Lc 9,28-36)

Cuint mister: Gejú istituësc l’eucaristia (Mc 14,17-25)

Misteri dla pasciun

Pröm mister: Gejú assüia sanch y præia tl Urt dl Orí (Lc 22,44)

Secunt mister: Gejú vëgn flagelé (Jan 19,1)

Terz mister: Gejú vëgn incoroné cun spines (Jan 19,2)

Cuart mister: Gejú porta la crusc söl Calvare (Jan 19,17)

Cuint mister: Gejú mör söla crusc (Jan 17,18)

Misteri de gloria

Pröm mister: Gejú é ressorí; al vir (Lc 24,6)

Secunt mister: Gejú é jü a cil (Storia di apostui 1,9-11)

Terz mister: Le Spirit Sant é gnü jö sura i apostui (Storia di apostui 2,1-13)

Cuart mister: Maria é gnüda tuta sò tl cil (1 Cor 15,22-23)

Cuint mister: Maria incoronada regina (Revelaziun 12,1)



„Jide fora te döt le monn, y incundedi le vangele a dotes les creatöres!“ (Mc 16,15).

„Jide fora te döt
le monn y incundedi
le vangele a dotes
les creatöres!“

(Mc 16,15)



DIOZESE BOZEN-BRIXEN
DIOCESI BOLZANO-BRESSANONE
DIOZEJA BULSAN-PERSENON



D’atres oraziuns y
impuls é da ciafé sön
la homepage dla diozeja:

www.bz-bx.net

NI ADE AL DE

